

KERATAN AKHBAR

TARIKH : 18 OGOS 2023
AKHBAR : BERITA HARIAN
MUKA SURAT : 15

Kerajaan komited laksana pelbagai inisiatif tingkat pendapatan rakyat

Kerajaan komited laksana pelbagai inisiatif tingkat pendapatan rakyat

Program khas diperkenalkan bantu jana ekonomi kumpulan sasar, hapus kemiskinan

Oleh Ercy Gracella Ajos
bhnews@bh.com.my

Kuala Lumpur: Kerajaan komited melaksanakan pelbagai program dan inisiatif bagi menyelesaikan isu ekonomi dan menangani kemiskinan tegar di negara ini.

Ketua Setiausaha Kementerian Ekonomi, Datuk Nor Azmie Diron, berkata faktor ekonomi makro dan akar umbi adalah antara penyumbang kemiskinan tegar, seperti penguncupan ekonomi susulan pandemik COVID-19 yang menyebabkan peningkatan insiden kemiskinan.

"Inisiatif Pendapatan Rakyat (IPR) di bawah Kementerian Ekonomi menjadi strategi serampang dua mata dengan meningkatkan pendapatan tambahan golongan sasar iaitu miskin tegar, miskin dan B40 secara mampan.

"Ia juga membantu menyelesaikan isu struktur ekonomi pada peringkat akar umbi berkait soal kos sara hidup, pengeluaran makanan domestik dan kebergantungan kepada buruh asing.

"IPR turut memberi tumpuan kepada golongan miskin tegar sama ada di kawasan bandar dan luar bandar menerusi pendekatan kumpulan sasar berasas individu, komuniti atau hibrid.

"Pendekatan berasaskan komuniti turut diberi keutamaan di lokaliti membabitkan masyarakat Orang Asli dan di Sabah serta Sarawak, terutama yang membabitkan ramlai golongan miskin tegar," katanya.

"Bagi menjamin keselamatan usaha pembasmian kemiskinan tegar, IPR juga menitikberatkan elemen penjaanaan pendapatan.

"Untuk itu, kerajaan mewujudkan tiga templat utama menerusi Inisiatif Usahawan Tani (INTAN), Inisiatif Usahawan Makanan (INSAN) dan Inisiatif Operator Perkhidmatan (IKHSAN).

"Ketiga-tiganya bertujuan membantu meningkatkan pendapatan bulanan golongan miskin tegar, miskin dan B40 di samping mengatasi isu kritikal seperti keterjaminan makanan, peluang pekerjaan dan saluran pemasaran produk yang terhad," katanya.

Bantuan alatan pertanian

Di bawah INTAN, katanya, Kementerian Ekonomi memberi bantuan berbentuk input dan peralatan moden pertanian, latihan dan khidmat nasihat teknikal serta elau sara hidup tempoh menunggu penuaian hasil tanaman.

Menerusi INSAN, Nor Azmie berkata, kerajaan menyediakan geran berbentuk bayaran sewaan mesin layan diri untuk tempoh dua tahun ke arah menggalakkan penjualan makanan bermasak pada harga berpatutan.

"Langkah ini memberi ruang peserta memasarkan produk makanan tanpa perlu berhadapan kesukaran mendapatkan permit dan tapak perniagaan.

"Menerusi pelaksanaan IKHSAN, kerajaan akan menjadi pemudah cara dalam urusan pelantikan pekerja, menyediakan



Program Mesin Vending Inisiatif Usahawan Makanan (INSAN) antara inisiatif dilaksana bagi membantu peserta meningkatkan pendapatan.

Kerajaan mewujudkan tiga templat utama menerusi Inisiatif Usahawan Tani (INTAN), Inisiatif Usahawan Makanan (INSAN) dan Inisiatif Operator Perkhidmatan (IKHSAN)

Nor Azmie Diron,
Ketua Setiausaha Kementerian Ekonomi



peralatan dan kelengkapan serta memberi elau tambahan kepada peserta.

"Ia sebagai langkah mengurangkan kebergantungan terhadap syarikat penyedia perkhidmatan serta pekerja asing dalam

sektor yang dikenali sebagai 3D (kotor, bahaya dan sukar).

"Kementerian Ekonomi akan bekerjasama dengan semua kerajaan negeri dan pihak berkuasa tempatan (PBT) untuk mewujudkan peluang pekerjaan dengan gaji yang setimpal bagi kerja pembersihan di premis awam," katanya.

Nor Azmie berkata, kerajaan turut mengambil langkah memastikan momentum pertumbuhan ekonomi golongan miskin tegar sentiasa meningkat.

Katanya, pendekatan sedia ada menerusi program bersasar individu, komuniti atau hibrid akan diteruskan berdasarkan profil ketua dan ahli isi rumah miskin tegar serta potensi lokaliti dipilih.

"Program merangkumi aktiviti penjaanaan pendapatan, kema-

hiran teknikal serta peluang pekerjaan bagi membolehkan ketua isi rumah (KIR) miskin tegar menjana pendapatan secara mampan.

"Di bawah program pembasmian kemiskinan termasuk IPR, anak-anak daripada keluarga miskin tegar berpeluang menjalani latihan kemahiran dan Pendidikan, Latihan Teknikal dan Vokasional Malaysia (TVET) dengan kerjasama rakan strategik yang menawarkan keupayaan dalam bidang berkaitan.

"Menerusi IPR juga, latihan kemahiran dan bantuan pendidikan bersesuaian diberi kepada anak-anak golongan miskin tegar di sekolah bagi mengelakkan masalah keceiriran," katanya.

Tingkatkan latihan, kemahiran

Bagi memastikan usaha pembasmian kemiskinan tegar berhasil, Nor Azmie berkata, penekanan perlu diberi terhadap pemberian secara 'in-kind' dan latihan kemahiran dan bukan bantuan tunai semata-mata.

Beliau berkata, usaha menangani kemiskinan di seluruh negara bergantung kepada kesepaduan usaha semua pihak menggembleng sumber dan tenaga.

"Aspek pemantauan dan penilaian berkala adalah komponen utama dalam program IPR," katanya.



Inisiatif Usahawan Tani (INTAN) membantu rakyat menjana pendapatan melalui program pertanian dengan pelbagai bantuan agensi kerajaan.

Ikuti secara langsung pembentangan Kajian Separuh Pengal Rancangan Malaysia Kedua Belas di Parlimen oleh YAB Perdana Menteri pada hari Isnin, 11 September 2023, jam 10 pagi di platform media utama negara atau layari rmk12.ekonomi.gov.my/ksp/ untuk maklumat lanjut.